

**395/2**  
**LUMASAABA**  
**PAPER 2**  
**2024**  
**2 ½ HOURS**



**SISEB MOCK EXAMINATIONS 2024**

**UGANDA CERTIFICATE OF EDUCATION.**

**LUMASAABA**

**LUPAPULA LWAKHABILI**

**TSIINGANO**

**TSISAWA TSIBILI NI SHISINTSA**

**BILAKILILO:**

LUPAPULA LUNO LULIMO BISIINTSA BITARU A, B, NI C

YILAMO BIREBO BYOSI MU BISIINTSA 'A' NI 'B'

MU SHISINTSA C MULIMO BIREEBO BIBILI 3 NI 4 ROBOLAKHO SHIREEBO  
SHITWEELA

MU BYOOSI ILAMO BIREEBO BITARU

ILILAMO KHULUPAPULA ISI BAKHUWELE LULUNDI.

## **SHISIINTSA ‘A’ BURONE**

Soma burone bukhuwelebwile umale wilemo nga ni bakhureebele.

### **BUYOGYO MUNGO (HEALTH / SANITATION IN OUR HOMES)**

Abe khalekho nikhalekho ba Masaaba baba babandu bayogyo naabi mutsingo tsawe nga barambisa naabi kametsi khukhwama khulukingi Masaaba atweela ni bitiibo bibibwotokhelele mungo mwabwe. Kametsi katima kamatsaaka musolokho uwamatsaaka khulukingi Masaaba, Kametsi kano katimatsaaka lukendo luleyi nalundi she khumanya shilishiri babaana khukhwama mutsu tsa Masaaba barambisatsaka kametsi kaburaawa. Bududa, Manafwa atweela ni Mabale baraambisatsaaka Manafwa, Budadiri, Sironko ni Bulambuli baraambisatsaaka Solokho.

Kametsi kano abe bakarambisa mubindu nga khutekha bilyo ni kamapondi, mayito, bufuke nalundi tsinyenji nga inyama mukhwama mubyayo byesi babayatsaka nga tsikhafu, kamakhese, tsingokho, tsimbata nalundi ni tsikulukulu. Kametsi kana abe khufurirelala abe karusawo bukyafu bwe likhe lye bibindu byesi batekhele mutsingo niyo bamenya nga sibawunya ta. Khusinga tsingubo, kimibili mungo sheesi balanga buyogyo mungo, shakholewatsaka naabi. Shikila babandu bakhubotookhelele khukhwama mubisitsa bikhaali bitweela bakhulanga bari Bamasaaba khulwekhu khwaba khusaaba naabi mungono.

Babaana bekhaana nibo abafuratsaka naabi khu khwitubila mumilimo kye kametsi khulwekhuba bekhatsaka mungo atweela ni bamayi shikila aluno ari nga umukhaana saali umuyogyo ta baloma bari mayi uweewe umwiikisa buubi nalundi abe bamukhwa tsikhafu tsitaru tsogene khulwekhuba shaaba she kumulimo isi papa ni mayi uwo musiinde.

Imbuka ilikho yino babaana basiinde naabo ba yitubila mubuyogyo bukhali butwela ta nga balekhele khutsya mumanambo kebulafu khuramba mutsingo tse Basaamba metsi niyo bafune liwumule lye khuyeta mustingo tsawe khufunira ilala mwinambo Uganda babaana basiinde khulwe kamaani keesi bali ninako bareere mumilimo

Kye buyogyo nga khurawo bifwo bye khusingilamo atweela ni khukolelamo. Bakali bamanya baari ibyo nibyo buyoogyo.

Bafukhuli batsya mumooni nikhufumbula Kamakesi kamakali kekhuyogya mungo nikimibili kyefe nga baraambisa bibindu biibikhabatsakawo ta . Nga sambuni urambisiwa mungeli tse kametsi nilibale, yuno arambisiwa khuyogya tsingubo khu

khwisinga, khusimula mutsu ni khugoono ijoolojo, ne bibyuuma bye khusinga tsingubo nabyo byafumbuliwa ni basambametsi.

Shino shaaba nga shanguwisakho kimilimo mutsingo tsingali naabi nashiro khunasima bafukhuli ni kumulimo kwe khufumbula bibindu bikhali bitweela bibiyetele babandu khulwekhunamuji uwe babandu wayitilile. Shibala shitsoowa nikamakesi abo bakhali khutsowa ni kumulembe ta babalanga bari balendafu.

### **BIREEBO:**

- a) Shina sheesi umuroni amanyisa nga akhurambisa shiloomo bulendafu.
- b) Ibalusa bitweela bibiili mukhola umuyogyo
- c) Sontsoola bitweela bibishusile buyogyo mumuboolo kuno.
- d) Bibindu byesi umuroni akanikhilekho, bikhoolekha biryena mushisitsa shenywe.

### **SHISINTSA ‘B’ KHURONA MU BWIIMBI**

2. Soma burone bukhwelembwi umale wilemo nga ni bakhurabele.

Lukingi lwe linambo Uganda lwe angaki naabi nga lulikho byehuyanga nilwo Rwenzori, bakali balanga khuba lukingi lwe kumwesi luli lukingi lulwibotokhelele namufweeli. Khukhwawukhana khu tsigoongo itsindi mwinambo Uganda.

Lukingi luno luli lukholesa khataru mushibala she bamali Africa, ni bunooro bwe bunyifu hugaki khwalwo bukhawawo ta. Lukingi luno lwa lilwana kumusitale kukwo khalisila ambi ni kametsi Victoria nalundi lwa bonesewa ni buwandikhe mbawo (0°).

Lukingi luno luli ni bitsakha bikhali bitweela ta. Babandu khukhwama mubibala bikhali bitweela nga mu China, Britain, Japan, South ni North Korea atweela ni Russia betsa khulambuula biibindu bikhali bitweela ta ne linambo Uganda lifuuna mubulambuuli buno bibindu ga liwumule lye bulaafu lilirambisiwa khukyendesa kimilimo mwinambo atweela ni khureela itsowatsowana mwinambo Uganda. Shireela busaale akari wekamanambo ako koketubile mubulambuuli buno ne beyongela khukholakana mubindu bikhali bitweela ta ingulakhulana lye birimba nga Kampala, Mukono ni Mabale atweela ni birimba bikhali bitweela mwinambo Uganda. Shilakilila bafukhuli khukhwiwongela ni lekeliswa mumalekelo ke ngaki naabi nga basitsilila mubulambuuli ni byabeene.

Balambuuli baano nga betsa mwinambo Uganda batabulila khushabusi shelinambo shikhulu Entebbe babirira mumilondeleli kimikali niyo akali bola mubibila atweela ni mumarumbi kakhali matweela ta. Ne imbuka yoola Bukuuka bwa ba nga bwinyukha

angaki mukhubirila mu khubonesa mungeli isi bakholamo kiminiongo khu milongoti niyo akali bulambuli bakhali batweela betse khulambula. Shino sha tsowantsowanisa Bumasaaba.

Balambuli bano sibetsa khulambula muba masaba bongene ta ne betsa khulambula bisoolo be mukewa tsijiingi, tsinjoongo, imbonekha lye bana Uganda, kimikhuura atweela ni kametsi khukhwama mu nyatsa nga Victoria mu Buganda.

Nashiryo nabuli mutweela akha abe nga abyaala bisaala nalundi akhingilise bisoolo nikhuba nga abiwa lukoosi mubifwo isi binyolekhana niyo khufune bye buyindifu nga khurambisa bulambuli mumanambo lye lukoosi Uganda.

**Kumulimo:**

Lwanguma lwe khusoma burone buna waboone bilayi biwamba khubulambusi ni byebulambusi mu loomo kamakhumi shiinane ni sheenda, rona bulayi ni byebulambusi bikhali bitweela mwinambo Uganda.

**SHISIINTSA ‘C’ KIMINIONGO NINTSIBIRISA IYE BAMASAABA.**

Mu shisiintsa shino, khola namba 3 namwe 4

3. Mazuune ali umwitsukhulu khu khwaama mutsu iya kuuka Mwambu ne akhoomyasaka Bumasaba nga alooma ari bwayimikhila khumbalu yoonjeene shikhaali shituufu ta.

**Kumulimo:**

Nga lwe uli umusaani namwe umukhasi mumasaaba ate uli umweelama. Ngeli siina isi unyaala wakhongeleza Mazune wakana Bumasaaba.

4. Nambozo uli umukhaana umumasaaba, ne watandikhile kimisumbu ni bakhaana bashe mwilekelo, shino shamureelele khuba nga Sali khuwulilakho nabulimundu ta, khufuurila ilala sali khukana khusooma ta.

**Kumulimo:**

Lwebulayi bwekhuroobolewa nga maayi uwe bakhaana khwilekelo, yeeta Nambozo akoobole mwilekelo asoome bulayi